

حسبة بورما

إيهاب لطيف

إصحى يا مصري وقوم
سامع النداء في رانجون ؟
قاموا بشيوخ بورما
سابوا صوامعهم
ضربوا الخنوع صرمة
مهما أقتل منهم

كفاياك يا أخويا نوم

إنت حاسبها إزاي؟
وللا أنت مش بتعد
طول ما السكات حيطول
طول ما الظلام حيمد
ينبت في أرضك شوك
يزعق في ودنك رعد
بيكي عليك الليل
اليوم يضيع ... والغد

هو أحنا مات حسننا
وللا الزمن هدنا
لو بوذا مش مننا
سيدنا الحسين عندنا
نتبع خطاه يدلنا
حبل الجهاد يتمد

ليه الكبار ساكتين
ليه الشباب قابلين
هوا إحنا مش شايفين
وللا إحنا مش فاهمين ؟
في شرقنا وغربنا
حسبوها من قبلنا
سهله قوي الحسبة :

إجمع

أهالي البلد

إطرح

"وأنا مالي"

أقسم

بروح الولد

إضرب

مثل غالي :

لما تببع دنيتك
حتلاقي حريتك

شفشق نهار رانجون
وانت ...
نهارك فين ؟